



SAUMUÐ BÓK


Byrjaðu á því að skoða leiðbeiningarnar og velta fyrir þér hvernig þú getur búið til bókina þína.



Þú þarft:
Pappír (t.d. í stærð A4), pappa, blýant, reglustiku, band, grófa nál, teiknibólu sem gott er að halda á, líms-tífti, pappír til að hlífa borðinu (t.d. dagblaðapappír) og hlífðarsjöld (t.d. lok af pizzukassa sem brotið er í tvennt eða þrennt).






Skref 2: Bandið mælt. Mæla þarf bandið sem þú ætlar að nota til að sauma bókina. Lengd bandsins á að vera þrisvar sinnum hæð bókarinnar. Það getur verið gott að vefja bandinu utan um bókina til að finna rétta lengd eins og gert er á mynd 2.1.




Til að sauma bókina saman getur þú notað alls konar band, t.d. girni, garn eða borða, en gættu þess að bandið sé nægilega sterkt, þannig að það slitni í sundur ef þú togar fast í það. Í kápuna er einnig kjörið að nýta umbúðir eins og pizzukassa, morgunkornspakka, gjafapappír, efni, myndir úr tímaritum eða hvað sem þér dettur í hug.

Skref 3: Bókin götuð. Byrjaðu á að finna miðjuna og merkja hana eins og sýnt er á mynd 3.1. Merktu punkta með jöfnu millibili fyrir ofan og neðan miðjuna. Punktarnir geta minnst verið þrír en fjöldi gata þarf alltaf að vera oddatala. Gataðu bókina til dæmis með teiknibólu. Mundu að hlífa borðinu með því að leggja eitthvað þykkt undir bókina áður en þú gatar hana, t.d. pappa eða viðarkupp.




Skref 4: Blöðin saumuð saman. Þræddu nálina og saumaðu bókina líkt og sýnt er á myndum 4.1 – 4.8. Gættu þess að sauma ekki alla leið yfir brún blaðanna heldur aðeins í gegnum götin. Þegar báðir endar bandsins liggja út um sama gatið á bakhlið bókarinnar, skaltu athuga hvort allir saumar séu vel strekktir. Að lokum skaltu binda hnút á bandið og klippa af því svo aðeins sé eftir um það bil 0,5 cm.





Skref 5: Sníða efni í bókarkápu. Bókarkápan þarf að vera örlítið stærri en bókin sjálf. Mældu stærð bókarinnar eða strikaðu eftir henni á það efni sem þú ætlar að nota í bókakápu eins og sýnt er á myndum 5.1 – 5.2. Taktu eftir að þú bætir ekki við breidd bókakápuinnar nema öðru megin. Klipptu spjaldið og notaðu það sem skapalón til að gera hitt spjaldið (sjá mynd 5.3).



Þú getur líka reiknað út hversu stór spjöldin eiga að vera og mælt svo fyrir báðum í einu og klippt út. Þá er t.d. hægt að hafa í huga að bæta helmingi meira við hæð bókarinnar en breidd hennar. Finndu út hvaða aðferð þú heldur að sé best að nota.






Skref 6: Sníða efni í klæðningu á kápu. Mældu stærð kápuspjaldanna eða strikaðu eftir þeim á það efni sem þú ætlar að nota í klæðningu eins og á mynd 6.1 – 6.2. Klæðningin þarf að vera nokkuð stærri en kápuspjöldin. Bæta þarf í það minnsta 4 cm við hæð og breidd kápuspjaldsins og þá þarf að huga sérstaklega að því að bókin hylji klæðninguna vel. (ATH! í myndbandinu hylur bókin ekki klæðninguna)




Skref 7: Bókarkápan klædd. Klæddu annað kápuspjaldið í einu. Dreifðu lími vel yfir bakhlið klæðningarinnar og mundu að fara vel út í alla kanta. Leggðu kápuspjaldið á miðja klæðninguna. Strjúktu yfir spjaldið til að pressa það við klæðninguna. Brjóttu upp á hornin og svo upp á jaðarinn eins og gert er á mynd 7.2 – 7.4. Að lokum skaltu strjúka vel og vandlega yfir fram- og bakhlið til að slétta úr klæðningunni.



Skref 8: Bókarkápa klædd. Einnig er hægt að hafa bókakápuna án klæðningar eða aðeins klæða hluta hennar. Klippið út það sem þið viljið skreyta kápuna með og límið vel.



Skref 9: Kjölur sniðinn og límdu við bókarkápu. Nú þarf að finna út hversu stór kjölur hentar þinni bók. Gott er að miða við að kjölurinn hylji u.þ.b. 1-2 cm af bókarkápunni. Ef bókin er þunn getur verið nóg að hafa miðjuhluta kjararins 0,5-1 cm. Ef bókin er þykk þarf að mæla þykkt hennar og ákveða þannig breidd kjararins. Það þarf að gera ráð fyrir að miðjuhluti kjarar sé örlítið breiðari en þykkt bókarinnar. Klippið kjölinn út og berið lím á hann. Leggið kápuspjöldin ofan á kjölinn eins og mynd 9.2 sýnir. Það er mikilvægt að efri og neðri jaðrar spjaldanna liggi í beinni línu svo bókin verði ekki skökk. Hægt er að nota reglustiku til að miða við eða mæla á annan hátt. Að síðustu er brotið upp á kjölinn þannig að hann leggist yfir kápuspjöldin (sjá mynd 9.3).



Skref 10: Bókin límd inn í bókarkápu. Að lokum er bókin sjálf límd inn í bókarkápu- na með því að líma ystu síður bókarinnar við bókarkápusjöldin og kjölinn. Gætið þess að bókin liggi rétt þannig að hún sé samsíða bókakápunni og miðja bókarinnar liggi nákmæmlega á miðju bókakjararins. Þið getið mælt og strikað fyrir staðsetningunni til að vera viss um að þið límið hana rétt.

**Nú er bókin þín tilbúin! Þú getur nú hafist handa við að fylla inn í hana!
Góða skemmtun!**